

ԿՈՍՏԱՆԴԻՆ
ԾՐԱՆԱԾԻՆ

ԿԱՄԱՎՆ ՔՐԻՍՏՈՍԻ՝ ՀԱՎԻՏԵՆԱԿԱՆ ԹԱԳԱՎՈՐԻ
ՀՌՈՄԱՅԵՅԻՆԵՐԻ ԿԱՅՈՐ ԿՈՍՏԱՆԳԻՆԵ իՐ ՈՐԿՈՒՆ՝
ԱՍՏՎԱԾԱՊԱԿՅԱՒ, ԵՎ ՇԻՐԱՆԱՇԻՆ ՌՈՄԱՆՈՍ ԿԱՅՈՒՐ
[„ԿԱՅՈՐՈՒԹՅԱՆ ԿԱՌԱՎԱՐՄԱՆ ՍԱՍԻՆ“]

DE ADMINISTRANDO IMPERIO

ՆԱՆԳՈՐԱՐԴԻԱՅԻ ԲԱՆԱԿԱԹԵՄԻ, ՆՐԱ ՊՐԻՆԿԻՊԱՏՆԵՐԻ²
ԵՎ ԱՐԽՈՆՏՈՒԹՅՈՒՆՆԵՐԻ³ ՄԱՍԻՆ

Պետք է գիտենալ, որ անցյալում ամբողջ իտալիան, այն է նեապոլիսը, Կապուան, Բենեվենտոսը, Սալերնոն, Ամալֆեն, Գայետեն, ողջ Լանգոբարդիան գտնվում էին հռոմայեցիների տիրապետության ներքո, երբ, հասկանալի է, Հռոմն էր նրանց մայրաքաղաքը: Երբ մայրաքաղաքը տեղափոխվեց Կոստանդնուպոլիս և պետությունը բաժանվեց երկու մասի, Կոստանդնուպոլսի կայսրը երկու պատրիկ էր ուղարկում, որոնցից մեկը իշխում էր Սիկիլիայի, Կալաբրիայի և Ամալֆեի վրա, իսկ մյուսը՝ նստում էր Բենեվենտոսում. վերջինիս տիրապետության տակ էին Պապիան, Կապուան և մնացած բոլորը: Ամեն տարի նրանք որոշակի հարկ էին վճարում կայսեր: Վերոհիշյալ բոլոր շրջաններում հռոմայեցիներ էին բնակվում: Իրենն կայսրուհու ժամանակ ուղարկված պատրիկ Նարսեսը տիրում էր Բենեվենտոսում և Պապիայում, իսկ Հռոմը գտնվում էր պապ Զաքարիա Աթենացու ձեռքում⁴: Պապիայի կողմերում պատերազմներ եղան, Նարսեսը պետական հարկերը ծախսելով զորքի վրա, ընդունված կարգի համաձայն հավաքված հարկերը՝ [Կոստանդնուպոլիս]^{*} շուղարկեց: [Մայրաքաղաքից ստացված նամակին] Նարսեսը պատասխանեց, թե այստեղից հավաքածս գրամից հազիվ թե կարողանամ ուղարկել, քանզի ամբողջ գրամը ծախսեցի պատերազմների վրա և զուր եք դուք դրամ ակնկալում: Իրենն կայսրուհին, լսելով այդ, զայրացավ և նրան իլիկ ու ճախարակ ուղարկեց, գրելով, թե «առ սրանք, քեզ դա՛ է վայել: Մենք գտանք, որ քեզ ավելի է պատշաճում մանել, քան թե տղամարդու պես զենքով պաշտպանել հռոմայեցիների [շահերը]»: Պատրիկ Նարսեսը լսելով այդ, պատասխա-

^{*} () Կոր փակագծերի մեջ առնված բառերը հեղինակինն են: [] Անկյունավոր փակագծերի մեջ առնված բառերը թարգմանչինն են:

նեց կայսրուհուն. «Դուք գտնում եք, որ [ինձ] ավելի վայել է կնոջ նման մանել և ոլորել: Բայց ես բացի իլիկից ու ճախարակից այնքան բուրգ տամ, որ հռոմայեցիները մինչև իրենց կյանքի վերջը չկարողանան մանել»: Լանգոթարգներն այն ժամանակ Պանոնիայում էին ապրում, որտեղ այժմ թուրքերն են բնակվում: Պատրիկ Նարսեսը ամեն տեսակի մրգեր ուղարկեց նրանց և հայտնեց. «Եկեք այստեղ և տեսեք մի երկիր, որտեղ, ինչպես ասում են, մեղր ու կաթ է ծորում, որից լավր, իմ կարծիքով, աստված չի տվել: Եթե ձեզ այն դուր գա, բնակվեք այնտեղ և ինձ գարե դար երանի կտաք»: Լանգոթարգները, լսելով այդ, հսկայաբեր ընծայեցին նրա խոսքերին և իրենց ընտանիքներով եկան Բենեվենտոս, ...նենգոթյամբ գրավեցին բերգը, իսկ բոլոր բնակիչներին կոտորեցին⁶: ...Նրանք այնուհետև արշավանք գործելով, իրենց ենթարկեցին ողջ երկիրը՝ Լանգոթարգիայի և Կալաբրիայի բանակաթեմը մինչև Պապիա...

ՏԱՐՈՆ ԵՐԿՐԻ ՄԱՍԻՆ¹

Հյուսիսում ապրող սկյութների մասին քեզ, ցանկալի որդյակ, բավարար չափով ասվել է²: Այդ մասին գիտենալը քեզ համար ապագայում անպայման օգտակար և պիտանի կլինի: Բայց քեզ անհրաժեշտ է իմանալ նաև արևելքում գտնվող և նորից հռոմայեցիների տիրապետության տակ անցած [երկրների] մասին, երկրներ, որոնք անցյալում դուրս էին եկել [հռոմայեցիների] հպատակությունից:

Հռոմայեցիների կայսրին առաջինը ենթարկվեց և հպատակվեց Տարոնի իշխան Կրիկորիկը³: Բայց հենց սկզբից նա երկու լարի վրա էր խաղում, խոսքով ձևացնում էր, թե գնահատում է կայսեր բարեկամությունը, բայց իրականում աշխատում էր հանդիմանալ սարակինոսների առաջնորդին: Տարբեր ժամանակներում նա Ասորիքից դուրս եկող և հռոմայեցիների կայսեր ենթակա բանակաթեմերի վրա արշավող [սարակինոսների] զորքերին ճանապարհ էր ցույց տալիս, ինչպես նաև Ասորիքին էր հայտնում հակառակորդ սարակինոսների դեմ հռոմայեցիների գաղտնի ծրագրերը: Նա շարունակ թաքուն նամակներ էր ուղարկում ամերմում-